



## Aningaasanut Nunanullu Allanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/07-00248 pillugu arfininngornermi ulloq 9. juni 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 31. maj 2007-imi ataatsimiinnerat, imm. 2f)

### **Kontomit pingaarnermit 84.40.10 Kommunini atuarfiit, aningaasaliissutinik atugassanngortitsinissaq**

Naalakkersuisut **inassutigaat,**

- kontomi pingaarnermi 84.40.10 Kommunini atuarfiit, suliassamut nr. 020.50.069 Qaqortumi atuarfiup iluarsanneqarnissaa/allanngortiterneqarnissaa/allilerneqarnissaalu, aningaasaliissutit 2008-mi 22,1 mio. koruuninik, 2009-mi 10,3 mio. koruuninik, 2010-mi 21,6 mio. koruuninik aamma 2011-mi 16,2 mio. koruuninik qaffanneqassasut,
- kontomi pingaarnermi 84.40.10 Kommunini atuarfiit, suliassamut nr. 996.50.093 2008-mi atuarfinni assigiinngitsuni nutaanik sanaartorneq iluarsaassinelu, aningaasaliissutit 2008-mi -22,1 koruuninik appartinneqassasut,
- kontomi pingaarnermi 84.40.10 Kommunini atuarfiit, suliassamut nr. 996.50.094 2009-mi atuarfinni assigiinngitsuni nutaanik sanaartorneq iluarsaassinerlu, aningaasaliissutit 2009-mi -10,3 koruuninik appartinneqassasut,
- kontomi pingaarnermi 84.40.10 Kommunini atuarfiit, suliassamut nr. 996.50.100 2010-mi atuarfinni assigiinngitsuni nutaanik sanaartorneq iluarsaassinerlu, aningaasaliissutit 2010-mi -21,6 koruuninik appartinneqassasut,
- kontomi pingaarnermi 84.40.10 Kommunini atuarfiit, suliassamut nr. 996.50.106 2011-mi atuarfinni assigiinngitsuni nutaanik sanaartorneq iluarsaassinerlu, aningaasaliissutit 2011-mi -16,2 koruuninik appartinneqassasut

### Aningaasaqarnermut Ataatsimiititaliap oqaaseqaatai

Qaqortumi atuarfiup iluarsanneqarnissaanut aningaasanik atugassiisoqarnissaanik Naalakkersuisut suliame matumani qinnuteqarput. Qinnuteqaammi allassimavoq atuarfiup iluarsanneqarnissaanut suliassamut missingersuutini aningaasaliissutit pisariaqartinneqartut 77,7 mio. kr.-iusut. Meeqqat atuarfiannut immikkoortumut pilersaarut naapertorlugu aningaasartuuteqarnissamut pisariaqartinneqartut 67 mio. kr.-inut nalileqqaarneqarput. Aningaasartuuteqarnissamut pisariaqartitat amerlissutaat immikkoortumut pilersaarummut iluarsisamut 2008-mut aningaasanut inatsisissatut siunnersuummut ilaatinneqartussamut ilanngunneqassasut Qinnuteqaammi allassimavoq.

Iluarsaassinissamik pilersaarutitut siunnersuutigineqartoq Aningaasaqarnermut Ataatsimiititaliap ajornartorsiutitaqarsorinngilaa. Ataatsimiititaliilli aalajangiinissaq sioqqullugu meeqqat atuarfiannut immikkoortumut pilersaarummut nutaamut missingiut takoqqaarusuppaa. Pilersaarut iluarsisaq aningaasanut inatsisissatut siunnersuummut ilanngunneqarsinnaaqullugu pilersaarutit iluarsisap kingusinnerpaamik ulloq 15. april 2007-

imi naammassillugu suliarineqarnissaa Naalakkersuisut allattoqarfiannit sulissutigineqarsimasoq Ataatsimiititaliap ilisimaaraa. Taamaalilluni pilersaarut maanna piareersimasorineqarmat Aningaasaqarnermut Ataatsimiititaliamut nalunaarutigeqarnissaanut Ataatsimiititaliap tunngavissaqarsorinngilaa.

Tassunga atatillugu pilersaarummi erseqqissumik allassimassanngippat aningaasaliissutinik nuussineq manna atuarfinnik iluarsaassinermi sulianut allanut qanoq kinguarsaataatigissasutut naatsorsuutigineqarnersoq Ataatsimiititaliap paaserusuppaa.

### **Aningaasaqarnermut Ataatsimiititaliap aalajangiinera**

Apeqqutit qulaani allassimasut Naalakkersuisunit akineqarnissaata utaqqineqarnissaa siunertaralugu Naalakkersuisunit inassuteqaatinut aalajangernissani Aningaasaqarnermut Ataatsimiititaliap **kinguartippaa**. Naalakkersuisut akissuteqaataat kalaallisut danskisullu kiisalu qarasaasiakkut sapinngisamik piaartumik nassuteqqunekarpoq uunga [nch@gh.gl](mailto:nch@gh.gl). Akissuteqaatilli kingusinnerpaamik 19. juni 2007 nal. 14.00 tigusissaa Ataatsimiititaliap kissaatigaa.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliami siulittaasoq